

Hermann Becker

**Rector Universitatis Rostochiensis M. Hermannus Becker/ Inf. Math. Prof. Publ. ...
ad D. Jacobi Pastor, Ad Luctuosissimam Panegyryn Viri ... Dn. Christiani
Schroders, U.I.D. & ... Consiliarii intimi quam ... Vidua Hodie ... paratam exoptat,
Omnium ordinum Cives Academicos ... invitat : [P.P. sub sigillo Rectoratus die
12. Aprilis Anno 1672.]**

Rostochii: Kilius, [1672]

<http://purl.uni-rostock.de/rosdok/ppn777425319>

Druck Freier  Zugang



Becker, H.,
in
Chr. Schröder.

Rost. (1672.)

51

19.
R E C T O R
UNIVERSITATIS ROSTOCHIENSIS
M. HERMANNUS

Becker /

Inf. Math. Prof. Publ. Philosoph.

Facultatis hodiè Decanus, & ad D.

Jacobi Pastor,

Ad LUCTUOSISSIMAM PANEGYRIN

VIRI

Nobilissimi Amplissimi & Consultissimi

DN. CHRISTIANI
SCHRODERS, U. J. D.

&

Serenissimi Principis ac Domini

DN. CHRISTIANI LUDOVICI, Ducis

Mecklenburgici &c. &c. Confiliarii intimi

quam

Nobilissima Honestissimaq; VIDUA

Hodie horâ primâ solenniter paratam exoptat

Omnium ordinum CIVES ACADE-

MICOS prolixè officioseq; invitat.

ROSTOCHII,

Typis JOHANNIS KILII, Univerfit. Typogr.



21

Pæclara equidem doctrinæ est possessio, cujus vigorem & constantiam, nulla belli rabies, nullus tumultus, nulla denique, etiamsi furibunda fuerit, tempestas maris, eripere aut annihilare valet; ideo etiam affabrè dici solet. *Doctrina non potest Domino eripi suo.* Unde etiam factitatum uti sapientes immissam, infortunii cladem, intrepidâ mentis formidine impigrè subjerint. De *Stilpone* memorat Seneca, illum videlicet captâ patriâ, amissis liberis, cum ex publico incendio solus exiret, Demerrio interroganti; Num quid perdidisset! respondisse, *Omnia mea bona mecum sunt*, adeoque virum fortem, & strenuum, ipsam hostis sui victoriam vicisse. Cæterum quamvis ea propter, Eruditionis possessio eminentissima sit, singulæque polleat excellentiâ, attamen nulla ipsi, concessa est prærogativa, simulac morborum, mortisque decumanæ ingruant procellæ. Enim vero æquè egregiis animi dotibus resplendentes, ac ignorantissimos quosque ter

que ter & amplius crudelis aufert Libitina, & in communem aliorum mortalium sortem redigit. Ast id quidem inter Eruditiores & generosæ mentis Viros, & inter obscuræ vitæ homines, obtinet discriminis, quod hi mortem instar terribilissimi mali formidandam arbitrantur, illi vero eam uti immortalitatis auspiciam, & futuræ vitæ natalem, hilari intrepidique lustrant visu, certissime persuasi mortem teste D. Cypriano, *non esse exitum sed transitum, & temporali itinere decurso, ad æterna transgressum*; propterea citissime animos imtempestivâ sollicitudine laxant, ne inviti sed lubentes ex hac mortalium scenâ emigrare possint; Sicuti in æquore solent suspecto, nautæ calidi clavum flectere, diuque ante solis occasum vela submittere, ita etiam haud inconsultum foret, florenti ætate, valentibusque membris, mortalitatis exuvias deponere; Qui in castris degunt, exactè norunt, nullum induciarum pacisvè conclusæ spem concipiendam, quantisper irruptionem facere, hostilique ausu cohortes aggredi cernunt. Vecordes certè, vel ignaviæ veterno penitus oppressi videntur, qui ullo temporis articulo, necis inducias sibi pollicentur, cum ex iteratis mortalium exequiis abundè elucescat, nunquam ab isto hoste impetrandam securitatem. Oportet ergo quam maximè, ut nemo se unquam tutum expendat, verum potius quovis puncto hostilem mortis incursum extimescat: *Ærumnosissima est*

mortalium & præcipuè Christianorum vita, eosque
infestant innumeræ & gravissimæ calamitates, felicio-
res itaque sunt, qui sarcinam hanc citius deposuerint;
Diu enim viventi, multa occurrunt poenitenda; Hinc
magnus *Seneca* pulcherrimè hoc unum discas, monet,
vitam contemnere; Nemo illam bene rexit, nisi qui con-
tempserit. Mortem Somno similem esse appositè satis
statuit *Cato Major.* Enimvero uti Somnus omnes op-
primit, sic mors universis lethale propinat poculum,
ille subitò, etiam nobis non cogitantibus obrepit; Ita
etiam mors, antequam speramus, obruit, quod ipsum
Vir Nobilissimus Consulcissimus atque Amplissimus
DN. CHRISTIANUS Schröder / U. J. D. & Serenissi-
mi Principis CHRISTIANI LUDOVICI &c:
Consiliarius suo abundè testatur exemplo; Cui, licet
egregiâ robustissimaque corporis formâ prædito,
præter omnem expectationem fata extremum nu-
merarunt diem, nec est cur miremur Virum hunc
tam cito è rebus humanis morte adeo præcoci exem-
ptum esse, omnibus enim calcanda est via lethi, &
soli Deo æternitas debetur; Avertamus itaque ab
hoc tristi casu animum, Functique tum cunabula,
tum stirpem, tum vitam, tum obitum sverò more
pensitemus: *Noster* autem mortalem hancce vitam
die 24. Maij Anno 1629. in Holsatiâ & quidem Neostadii
auspicatus est, Patre nimirum HENRICO Schröder /
Senatore prædictæ Urbis Amplissimo. Matre ANNA
Niemans /

Nieman / faminâ ornatissima atque præstantissima. Avam
 paternum habuit, Virum Eximium CHRISTIANUM Schrö-
 dern / mercatorem dictæ Urbis præcipuum, Aviam paternam
 ANNAM Laferß / ex antiquâ laudabilique Lubecanâ Lafer-
 sensium familiâ prognatam, Fœminam virtutibus, quæ fœ-
 mineum exornant sexum, conspicuam, siquidem ejus parens
 extitit Vir Amplissimus DN. GEORGIUS Laferß / Imperia-
 lis Civitatis Lubecensis Senator gravissimus, ejus vero Mater
 CATHARINA Bohnen: Proavus paternus extitit Perexi-
 mius DN. HENRICUS Schröder / Prædii Nobilis Hagen in
 Holsatiâ Pensionarius dexterrimus. Proavia paterna Fœmina
 Laudatissima MARGARETA Budden. Ex celebri ibidem
 familia BUDDENSIUM orta. Avum maternum nactus est,
 Virum Reverendum, & Præclarissimum DN. M. HENRICUM
 Nieman / Pastorem nominatæ Urbis vigilantissimum, Avi-
 am Maternam fœminam Virtuosisissimam CHRISTINAM,
 DN. DIDERICI Sicken / trium in Holsatia Regentium
 Ducum Chyrurgi primarii, filiam. Proavus Maternus extitit
 Vir Amplissimus, & Spectatissimus, DN. JOHANNES Nie-
 man / in Oppido NEUSTADT Consul quondam gravissi-
 mus, quique ob Justitiam dextrè administratam, summis af-
 fectus est laudibus, & de facultatibus, quæ à Divino Numine
 amplè ipsi collata sunt, egenis, pauperibusque prolixè superias
 tulit. Proavia Materna fuit Vidua condecoratissima, ex con-
 spicuâ Nurenbergensium Stampensium familia progenita, for-
 tita enim est patrem NICOLAUM Stampen / Civem ac
 Mercatorem Lubecensium haud postremum, & Nobilissimi
 atque Amplissimi DN. JOHANNIS Stampen / Civita-
 tis Imperialis Nurenbergensis quondam Consulis, filiam.
 Potuit quidem pie denatus DN. SCHRODERUS de tantæ glo-
 riæ atque virtutum majoribus gloriari, seq; efferre, sed maluit
 ille splendorem generis propriis virtutibus illustriorem red-
 dere.

dere. Quammobrem, postquam Servatori CHRISTO JESU, per Sacrosanctum Spiritus sanctissimi lavacrum oblatus, atq; ita in Album Christi Fidelium insertus fuisset, ab ipsa Juventute se obsequio matris [siquidem ipsius parens præcoci morte ipsi tertium annum agenti, abreptus est) reverenter devovit, cumq; illa animadverteret NOSTRUM adveniente ætate literis delectari, eundē tam à publicis, quam privatis præceptoribus, sedulo institui curavit, quibus operam haud exiguam adjunxit suam Dn. JOHANNES BULTHENIUS, Consul Civitatis Neustadt / Vitricus Nostri quondam honoratissimus, qui & postea Functum Anno 1646. ad SCHOLAM STRALSUNDENSEM amandavit, informationiq; Clarissimi Dn. BENEDICTI Barii commisit, in qua non sine egregio studiorum profectu per biennium substitit Noster; hincque nostro Roseto datus, studio Ethico, Politico, Historico, & deinde Juridico, per integrum annum, sedulò operatus est. Revocaverunt eum postea Parentes domum, ibidemque per breve temporis spatium commoratus, adiit Civitatem Gottorfensem, sedem Ducalis aulae celebratissimam, ubi per integrum biennium coeptum studium Juridicum impigrè continuavit. Consiliariis familiariter usus est, atq; ita formam Processus ibidem observatam, acuratè addidit. Deinde, consilio parentum contulit se ad Academiam Giesensem, in quâ per aliquot annos Juris studium excoluit, Collegia diligentissime frequentavit, ac Dn. Professorum favorem prolixè expertus est. Cumq; etiam, NOSTER peregrinandi cupiditate flagraret, ac ejus parentes id ipsum, quoniam è re sua futurum esse arbitrabantur, approbarent, factitatum est, ut consortio nobilissimorum hominum adjunctus sit, quibus cum Anno 1653. salutata Augusta viandelicorum, peragravit Venetias Hinc Patavium invisit, ubi per aliquod temporis spatium subsistenti à Germanis, *vices Procuratoris*, quæ statio ibidem honorificè habetur

habetur, ultrò oblata sunt. Lustravit porro *Functus* FER-
RARIAM, Bononiam, Florentiam, Tivornum, Romam,
NEAPOLIM aliaq; remotissima Italiæ Loca; in reditu iter fecit
per Loretum, Placentiam, Turinum, Genevam BASILEAM,
Argentoratum, & hinc profectus est Spiram, Vormaciam,
Francofurtum ad Mœnum, atq; adeo exantlatis molestissimis
peregrinationibus Anno 1654. prosper felixq; patrios salutavit
Lares. Nec enim diu istic hærebat. *Noster*: siquidem ejus in-
formationi concreditus est, Excellentissimi Dni JACOBI
Preusers / JCI & Serenissimi Ducis Schlesvicensis quondam
Consiliarii incimi Filius unicus, quem in Atheneum hocce
Mecklenburgicum adduxit, eique magna cum industria & dex-
teritate abstrusissima Juris principia fideliter inculcavit; Du-
rante hac Ephoriâ, FUNCTUS, instinctu parentum adiit ACA-
DEMIAM GRYPHICAM, in quâ cum Pro-Licentia capeffendi
in utroque Jure honores, sub Moderamine Decani *de Crimine
lase Majestatis* acriter disputasset, mox in publica virorum do-
ctorum Panegyri, U. J. Licentiatu solenniter renunciatus est.
Hoc peracto rediit in nostram Academiam, ibique legendo ac
disputando nonnullorū Juvenum, qui Informationi suæ com-
mendati erant, promovit studia, & junxit sibi tandem Anno
1659. tori sociam Nobilissimam Virtuosiſsimamq; Virginem
tunc temporis, nunc Viduam eheu! desolatissimam ELISABE-
TEN, Viri Nobilissimi & Amplissimi D. JOHANNIS Niebau-
ren/Practici quondam famigeratissimi, Filiam; Quod ipsum
matrimonium uti per tredecim annos pacatum, sic nec planè
infœcundum fuit, suscepit enim NOSTER Conjugalis tori
tria pignora; ELISABETHEN, ANNAM & CHRISTINAM,
quæ per DEI gratiam adhuc superstitant, & acerbissimum
desideratissimi patris obitum una cum matre Viduâ amarissi-
mè deplotant. Anno 1665. Decanus Facultatis Gripsval-
densis per literas humanissimè à Functo rogavit, ut gradum
Docto

Doctoralem sibi conferri pateretur, cumque honestissimæ petitioni justissimis ex rationibus Noster deesse haud potuit, axioma Doctorali etiam dicto tempore condecoratus est. Dignus quoque à Serenissimo Principe ac Dno Dni CHRISTIANO LUDOVICO, Duce Mecklenburgico &c.&c. Domino nostro clementissimo, habitus est FUNCTUS, qui nonnullas & quidem haud contemnendas Expeditiones subiret, pro qua navatâ operâ jam jam Laudatus Serenissimus Princeps, ipsi dignitatem Consiliarii conferre clementissimè voluit. Ante septimanas, non adeo plures, functum morbus infestare cæpit, non adeo expectatus. Adhibiti quidem continuo sunt in Consilium, Viri Experientissimi & Excellentissimi Dn. D. JOHANNES BACMEISTER, & Dn. D. SEBASTIANUS Wûrdig/P. P. Celebrerrimi, Collegæq; honoratissimi, qui etiam nulli operæ pepererunt; at minimè finem, quem intenderant, assecuti sunt, & circa horam 12. mediæ noctis pie functus inter ardentissima astantium suspiria, interq; preces Dn. Confessionarii Reverendissimi ac doctissimi Dn. ARNOLDI GEBHARDI LUDECI, Pastoris Bentvissensis meritorissimi, placidissimè resolutus est, postquam annos 43 vivendo expleffet. Quomodo autem in lethali morbo sese NOSTER exhibuerit, prælaudatus Dnus Pastor, propria manu consignavit quàm accuratissimè; quum vero hoc ipsum angustia pagellarum haud capiat, reservabimus Concioni funebri. Nostrarum igitur partium est, CIVES ACADEMICI, frequentes Viro Nobilissimo, atque Consultissimo, ire exequias, atque ita supremum humanitatis præstare officium. Quod uti promptissimè faciatis vos, omnes atque singulos officiosè prolixèque
rogamus.

P. P. sub Sigillo Rectoratus die

12. Aprilis Anno 1672.

Convenietur in Æde D. Mariae sacra à horâ primâ.

habetur, ultrò oblata sunt. Lustravi
 RARIAM, Bononiam, Florentiam,
 NEAPOLIM aliaq; remotissima Italiae
 per Loretum, Placentiam, Turinum,
 Argentoratum, & hinc profectus est
 Francofurtum ad Mœnum, atq; adeo e
 peregrinationibus Anno 1654. prosper f
 Lares. Nec enim diu istic hærebat. No
 formationi conceditus est, Excellen
 Preusers / JCa & Serenissimi Ducis Sc
 Consilarii intimi Filius unicus, quem
 Mecklenburgicum adduxit, eique magn
 teritate abstrusissima Juris principia fide
 rante hac Ephoriâ, FUNCTUS, instinctu
 DEMIAM GRYPHICAM, in quâ cum P
 in utroque Jure honores, sub Moderam
 la se Majestatis acriter disputasset, mox in
 ctorum Panegyri, U. J. Licentiatu solen
 Hoc peracto rediit in nostram Academi
 disputando nonnullorū Juvenum, qui In
 mendati erant, promovit studia, & jun
 1659. tori sociam Nobilissimam Virtuosi
 tunc temporis, nunc Viduam eheu! deso
 TEN, Viri Nobilissimi & Amplissimi D.
 ren / Practici quondam famigeratissimi, E
 matrimonium uti per tredecim annos pa
 infœcundum fuit, suscepit enim NOS
 tria pignora; ELISABETHEN, ANNAM
 quæ per DEI gratiam adhuc superstita
 desideratissimi patris obitum una cum r
 simè deplotant. Anno 1665. Decanus
 densis per literas humanissimè à Functo

us FER.
 Romam,
 tu iter fecit
 ASILEAM,
 rmaciam,
 olestissimis
 os salutavit
 m ejus in-
 JACOBI
 quondam
 m hocce
 tria & dex
 vit; Du-
 diit ACA-
 capeffendi
 le Crimine
 orum do-
 ciatus est.
 egendo ac
 suæ com-
 em Anno
 Virginem
 ELISABE-
 Niebau
 od ipsum
 nec planè
 galis tori
 TINAM,
 issimum
 amaris-
 ripsval-
 gradum
 Docto

